


# 論語

〔宋〕朱熹撰 ● 齊魯書社

# 語



# 论 语 集 注

齐 鲁 书 社

鲁新登字07号

论语集注

〔宋〕朱熹 撰

齐鲁书社出版发行

（济南经九路胜利大街）

山东新华印刷厂德州厂印刷

787×1092毫米32开本 6.75印张 113千字

1992年4月第1版 1996年7月第2次印刷

印数 7001—17000

ISBN 7—5333—0251—6

---

B·54 定价：7.80 元

## 出版说明

孔子和孟子是中国古代伟大的思想家，由他们所创立的儒家学说，对中国传统文化的形成和发展，起了巨大的作用。传世的《论语》、《孟子》二书，系孔子、孟子的言论辑录，是反映孔、孟思想的基本著作。到了宋代，儒学大师朱熹将《礼记》中的《大学》、《中庸》篇独立出来，与《论语》、《孟子》合称《四书》。而由他著述的《四书章句集注》，备受推崇，数百年中被定为科举考试的必备教材，成为对后世有深远影响的儒家经典。

为学习研究祖国的优秀传统文化，我社组织专人以原山东海源阁藏明版朱墨套印本为底本，参校元至正二十二年武林尚德堂刻本、清阮元刻《十三经注疏》本、清同治十一年山东书局刻本等，对《四书章句集注》校点整理，排印出版。全书简体字横排。经文部分，依照原书先后次序按章节排开。朱熹的双行

注解，按其在文中出现的位置分别编出对应的数码，排在此章节正文之后。书中的讹误衍夺字句，校点整理时予以改正，不出校记。异体字等也尽量规范化。

《论语集注》、《孟子集注》原分卷次，因无实际意义，今皆删去，只存各篇篇目。原刻书后有“跋”，因与内容关系不大，未予收录。此次我社除出版《四书章句集注》外，为方便读者，同时还单出《论语集注》与《孟子集注》。

本书稿特约专人校点，齐鲁书社编辑审定。参加校点的人员有张汉东、余力平、高桂兰、彭辉等。

齐鲁书社

1991年9月

## 论语序说

《史记·世家》曰：孔子名丘，字仲尼。其先宋人。父叔梁纥，母颜氏。以鲁襄公二十二年庚戌之岁，十一月庚子，生孔子于鲁昌平乡陬邑。为儿嬉戏，常陈俎豆，设礼容。及长，为委吏，料量平；<sup>①</sup>为司职吏，畜蕃息。<sup>②</sup>适周，问礼于老子。既反，而弟子益进。昭公二十五年甲申，孔子年三十五，而昭公奔齐，鲁乱。于是适齐，为高昭子家臣，以通乎景公。<sup>③</sup>公欲封以尼谿之田，晏婴不可，公惑之。<sup>④</sup>孔子遂行，反乎鲁。定公元年壬辰，孔子年四十三，而季氏强僭，其臣阳虎作乱专政。故孔子不仕，而退修《诗》、《书》、《礼》、《乐》，弟子弥众。九年庚子，孔子年五十一。公山不狃以费畔季氏，召，孔子欲往，而卒不行。<sup>⑤</sup>定公以孔子为中都宰，一年，四方则之，遂为司空，又为大司寇。十年辛丑，相定公。会齐侯于夹谷，齐人归鲁侵地。十二年癸

卯，使仲由为季氏宰，堕三都，收其甲兵，孟氏不肯堕成，围之不克。十四年乙巳，孔子年五十六，摄行相事，诛少正卯，与闻国政。三月，鲁国大治。齐人归女乐以沮之，季桓子受之。郊又不致膳俎于大夫，孔子行。<sup>⑥</sup> 适卫，主于子路妻兄颜浊邹家。<sup>⑦</sup> 适陈，过匡，匡人以为阳虎而拘之。<sup>⑧</sup> 既解，还卫，主蘧伯玉家，见南子。<sup>⑨</sup> 去，适宋，司马桓魋欲杀之。<sup>⑩</sup> 又去，适陈，主司城贞子家。居三岁而反于卫，灵公不能用。<sup>⑪</sup> 晋赵氏家臣佛肸以中牟畔，召孔子。孔子欲往，亦不果。<sup>⑫</sup> 将西见赵简子，至河而反，又主蘧伯玉家。灵公问陈，不对而行，复如陈。<sup>⑬</sup> 季桓子卒，遗言谓康子必召孔子，其臣止之，康子乃召冉求。<sup>⑭</sup> 孔子如蔡及叶。<sup>⑮</sup> 楚昭王将以书社地封孔子，令尹子西不可，乃止。<sup>⑯</sup> 又反乎卫，时灵公已卒，卫君辄欲得孔子为政。<sup>⑰</sup> 而冉求为季氏将，与齐战有功。康子乃召孔子，而孔子归鲁，实哀公之十一年丁巳，而孔子年六十八矣。<sup>⑱</sup> 然鲁终不能用孔子，孔子亦不求仕，乃叙《书传》、《礼记》，<sup>⑲</sup> 删《诗》正《乐》，<sup>⑳</sup> 序《易·彖》、《系》、《象》、《说卦》、《文言》。<sup>㉑</sup> 弟子盖三千焉，身通六艺者七十二人。<sup>㉒</sup> 十四年庚申，鲁西狩获麟，<sup>㉓</sup> 孔子作《春秋》。<sup>㉔</sup> 明年辛酉，子路死于卫。十六年壬戌，四月己丑，孔子

卒，年七十三，葬鲁城北泗上。弟子皆服心丧三年而去，惟子贡庐于冢上。凡六年。孔子生鲤，字伯鱼，先卒。伯鱼生伋，字子思，作《中庸》。⑤

①委吏，本作“季氏史”。《素隐》云：“一本作委吏，与《孟子》合。今从之。”②职，见《周礼·牛人》，读为楫，义与枳同，盖系养牺牲之所。此官即《孟子》所谓“乘田”。

③有闻《韶》、问政二事。④有“季孟”“吾老”之语。

⑤有答子路“东周”语。⑥《鲁世家》以此以上皆为十二年事。⑦《孟子》作颜渊由。⑧有“颜渊后”及“文王既没”之语。

⑨有“矢子路”及“未见好德”之语。⑩有“天生德”语及微服过宋事。⑪有“三年有成”之语。

⑫有答子路“坚白”语及荷蕢过门事。⑬据《论语》，则绝粮当在此时。⑭《史记》以《论语》“归与”之叹为在此时，又以《孟子》所记叹词为主司城贞子时语，疑不然。盖《语》、《孟》所记，本皆此一时语，而所记有异同耳。

⑮有叶公问答，子路不对，沮、溺耦耕，荷蓑丈人等事。《史记》云：“于是楚昭王使人聘孔子，孔子将往拜礼，而陈、蔡大夫发徒围之，故孔子绝粮于陈、蔡之间。”

⑯有“愠见”及告子贡“一贯”之语。按是时陈、蔡臣服于楚，若楚王来聘孔子，陈、蔡大夫安敢围之？且据《论语》，绝粮当在去卫如陈之时。

⑰《史记》云“书社地七百里”，恐无此理，时则接舆之歌。⑱有“鲁、卫兄弟”及答子贡“夷齐”、子路“正名”之语。

⑲有对哀公及康子语。⑳

㉑有“杞宋”、“损益”、“从周”等语。㉒有语太师及乐正之语。㉓有“假我数年”之语。

㉔弟子颜回最贤，蚤死；后唯曾参得传孔子之道。㉕有“莫我知”之叹。

㉖有“知我”、“罪我”等语。《论语》请讨陈恒事，亦在是年。㉗子思学于曾子，而孟子受业子思之门人。



何氏曰：“《鲁论语》二十篇。《齐论语》别有《问王》、《知道》，凡二十二篇。其二十篇中，章句颇多于《鲁论》。《古论》出孔氏壁中，分《尧曰》下章‘子张问’以为一篇，有两《子张》，凡二十一篇，篇次不与《齐》、《鲁论》同。”

程子曰：“《论语》之书，成于有子、曾子之门人，故其书独二子以子称。”

程子曰：“读《论语》，有读了全然无事者；有读了后，其中得一两句喜者；有读了后，知好之者；有读了后，直有不知手之舞之、足之蹈之者。”

程子曰：“今人不会读书。如读《论语》，未读时是此等人，读了后又只是此等人，便是不曾读。”

程子曰：“颐自十七八读《论语》，当时已晓文义。读之愈久，但觉意味深长。”

## 目 录

论语序说	1
学而第一	1
为政第二	9
八佾第三	19
里仁第四	30
公冶长第五	38
雍也第六	49
述而第七	61
泰伯第八	74
子罕第九	83
乡党第十	94
先进第十一	103
颜渊第十二	115
子路第十三	127
宪问第十四	138
卫灵公第十五	154
季氏第十六	166

阳货第十七.....	173
微子第十八.....	184
子张第十九.....	191
尧曰第二十.....	199

# 学 而 第 一

此为书之首篇，故所记多务本之意，乃入道之门、积德之基、学者之先务也。凡十六章。

子曰：“学而时习之，不亦说乎？<sup>①</sup>有朋自远方来，不亦乐乎？<sup>②</sup>人不知而不愠，不亦君子乎？”<sup>③</sup>

①说，悦，同。学之为言效也。人性皆善，而觉有先后，后觉者必效先觉之所为，乃可以明善而复其初也。习，鸟数飞也。学之不已，如鸟数飞也。说，喜意也。既学而又时时习之，则所学者熟，而中心喜说，其进自不能已矣。程子曰：“习，重习也。时复思绎，浹洽于中，则说也。”又曰：“学者，将以行之也。时习之，则所学者在我，故说。”谢氏曰：“时习者，无时而不习。坐如尸，坐时习也。立如齐，立时习也。②乐，音洛。朋，同类也。自远方来，则近者可知。程子曰：“以善及人，而信从者众，故可乐。”又曰：“说在心，乐主发散在外。”③愠，紆问反。愠，含怒意。君子，成德之名。尹氏曰：“学在己，知不知在人，何愠之有！”程子曰：“虽乐于及人，不见是而无闷，乃所谓君子。”愚谓及人而乐者顺而易，不知而不愠者逆而难，故惟成德者能之。然德之所以成，亦曰学之正、习之熟、说之深而不已焉。

耳。程子曰：“乐由说而后得，非乐不足以语君子。”

有子曰：“其为人也孝弟，而好犯上者，鲜矣；不好犯上，而好作乱者，未之有也。①君子务本，本立而道生。孝弟也者，其为人之本与！”②

①弟、好，皆去声。鲜，上声。下同。有子，孔子弟子，名若。善事父母为孝，善事兄长为弟。犯上，谓干犯在上之人。鲜，少也。作乱，则为悖逆争斗之事矣。此言人能孝弟，则其心和顺，少好犯上，必不好作乱也。②与，平声。务，专力也。本，犹根也。仁者，爱之理，心之德也。为仁，犹曰行仁。与者，疑词，谦退不敢质言也。言君子凡事专用力于根本，根本既立，则其道自生。若上文所谓孝弟，乃是为仁之本，学者务此，则仁道自此而生也。程子曰：“孝弟，顺德也，故不好犯上，岂复有逆理乱常之事？德有本，本立则其道充大。孝弟行于家，而后仁爱及于物，所谓亲亲而仁民也。故为仁以孝弟为本。论性，则以仁为孝弟之本。”或问：“孝弟为仁之本，此是由孝弟可以至仁否？”曰：“非也。谓行仁自孝弟始，孝弟是仁之一事。谓之行仁之本则可，谓是仁之本则不可。盖仁是性也，孝弟是用也，性中只有个仁、义、礼、智四者而已，曷尝有孝弟来？然仁主于爱，爱莫大于爱亲，故曰：‘孝弟也者，其为仁之本与！’”

子曰：“巧言令色，鲜矣仁！”①

①巧，好。令，善也。好其言，善其色，致饰于外，务以悦人，则人欲肆而本心之德亡矣。圣人词不迫切，专言鲜，则绝无可知。学者所当深戒也。程子曰：“知巧言令色之非仁，则知仁矣。”

曾子曰：“吾日三省吾身：为人谋而不忠乎？与朋友交而不信乎？传不习乎？”<sup>①</sup>

①省，悉井反。为，去声。传，平声。曾子，孔子弟子，名参，字子舆。尽己之谓忠。以实之谓信。传，谓受之于师。习，谓熟之于己。曾子以此三者日省其身，有则改之，无则加勉，其自治诚切如此，可谓得为学之本矣。而三者之序，则又以忠、信为传习之本也。尹氏曰：“曾子守约，故动必求诸身。”谢氏曰：“诸子之学，皆出于圣人，其后愈远而愈失其真。独曾子之学，专用心于内，故传之无弊，观于子思、孟子可见矣。惜乎其嘉言善行不尽传于世也！其幸存而未泯者，学者其可不尽心乎！”

子曰：“道千乘之国：敬事而信，节用而爱人，使民以时。”<sup>①</sup>

①道、乘，皆去声。道，治也。千乘，诸侯之国，其地可出兵车千乘者也。敬者，主一无适之谓。敬事而信者，敬其事而信于民也。时，谓农隙之时，言治国之要在此五者，亦务本之意也。程子曰：“此言至浅，然当时诸侯果能此，亦足以治其国矣。圣人言虽至近，上下皆通。此三言者，若推其极，尧、舜之治亦不过此。若常人之言近，则浅近而已矣。”杨氏曰：“上不敬则下慢，不信则下疑，下慢而疑，事不立矣。敬事而信，以身先之也。《易》曰：‘节以制度，不伤财，不害民。’盖侈用则伤财，伤财必至于害民，故爱民必先于节用。然使之不以其时，则力本者不获自尽，虽有爱人之心，而人不被其泽矣。然此特论其所存而已，未及为政也。苟无是心，则虽有政，不行焉。”胡氏曰：“凡此数者，又皆以敬为主。”愚谓五者反复相因，各有次第，读者宜细推之。

子曰：“弟子入则孝，出则弟，谨而信，泛爱众，而亲仁。行有馀力，则以学文。”①

①“弟子”之弟，上声；“则弟”之弟，去声。谨者，行之有常也。信者，言之有实也。泛，广也。众，谓众人。亲，近也。仁，谓仁者。馀力，犹言暇日。以，用也。文，谓《诗》、《书》六艺之文。程子曰：“为弟子之职，力有馀则学文，不修其职而先文，非为己之学也。”尹氏曰：“德行，本也。文艺，末也。穷其本末，知所先后，可以入德矣。”洪氏曰：“未有馀力而学文，则文灭其质；有馀力而不学文，则质胜而野。”愚谓力行而不学文，则无以考圣贤之成法，识事理之当然，而所行或出于私意，非但失之于野而已。

子夏曰：“贤贤易色；事父母，能竭其力；事君，能致其身；与朋友交，言而有信。虽曰未学，吾必谓之学矣。”①

①子夏，孔子弟子，姓卜，名商。贤人之贤，而易其好色之心，好善友诚也。致，犹委也。委致其身，谓不有其身也。四者皆人伦之大者，而行之必尽其诚，学求如是而已。故子夏言有能如是之人，苟非生质之美，必其务学之至。虽或以为未尝为学，我必谓之已学也。游氏曰：“三代之学，皆所以明人伦也。能是四者，则于人伦厚矣。学之为道，何以加此？子夏以文学名，而其言如此，则古人之所谓学者可知矣。故《学而》一篇，大抵皆在于务本。”吴氏曰：“子夏之言，其意善矣。然词气之间，抑扬太过，其流之弊，将或至于废学。必若上章夫子之言，然后为无弊也。”

子曰：“君子不重则不威，学则不固。① 主忠信。②

## 无友不如己者。③ 过则勿惮改。”④

①重，厚重。威，威严。固，坚固也。轻乎外者，必不能坚乎内，故不厚重则无威严，而所学亦不坚固也。 ②人不忠信，则事皆无实，为恶则易，为善则难，故学者必以是为主焉。程子曰：“人道唯在忠信，不诚则无物。且出入无时，莫知其乡者，人心也。若无忠信，岂复有物乎？” ③无，毋通，禁止辞也。友所以辅仁，不如己，则无益而有损。 ④勿，亦禁止之辞。惮，畏难也。自治不勇，则恶日长，故有过则当速改，不可畏难而苟安也。程子曰：“学问之道无他也，知其不善，则速改以从善而已。”程子曰：“君子自修之道当如是也。”游氏曰：“君子之道，以威重为质，而学以成之。学之道，必以忠信为主，而以胜己者辅之，然或吝于改过，则终无以入德，而贤者亦未必乐告以善道，故以‘过勿惮改’终焉。”

## 曾子曰：“慎终追远，民德归厚矣。”①

①慎终者，丧尽其礼。追远者，祭尽其诚。民德归厚，谓下民化之，其德亦归于厚。盖终者，人之所易忽也，而能谨之；远者，人之所易忘也，而能追之；厚之道也。故以此自为，则己之德厚，下民化之，则其德亦归于厚也。

子禽问于子贡曰：“夫子至于是邦也，必闻其政，求之与？抑与之与？”①子贡曰：“夫子温、良、恭、俭、让以得之。夫子之求之也，其诸异乎人之求之与？”②

①“之与”之与，平声，下同。子禽，姓陈，名亢。子贡，姓端木，名赐。皆孔子弟子。或曰：“亢，子贡弟子。”未知孰是。



抑，反语辞。②温，和厚也。良，易直也。恭，庄敬也。俭，节制也。让，谦逊也。五者，夫子之盛德光辉接于人者也。其诸，语辞也。人，他人也。言夫子未尝求之，但其德容如是，故时君敬信，自以其政就而问之耳，非若他人必求之而后得也。圣人过化存神之妙，未易窥测，然即此而观，则其德盛礼恭而不愿乎外，亦可见矣。学者所当潜心而勉学也。谢氏曰：“学者观于圣人威仪之间，亦可以进德矣。若子贡亦可谓善观圣人矣，亦可谓善言德行矣。今去圣人千五百年，以此五者想见其形容，尚能使人兴起，而况于亲炙之者乎？”张敬夫曰：“夫子至是邦必闻其政，而未有能委国而授之以政者。盖见圣人之仪刑而乐告之者，秉彝好德之良心也，而私欲害之，是以终不能用耳。”

子曰：“父在，观其志；父没，观其行，三年无改于父之道，可谓孝矣。”①

①行，去声。父在，子不得自专，而志则可知。父没，然后其行可见。故观此足以知其人之善恶。然又必能三年无改于父之道，乃见其孝；不然，则所行虽善，亦不得为孝矣。尹氏曰：“如其道，虽终身无改可也。如其非道，何待三年？然则三年无改者，孝子之心有所不忍故也。”游氏曰：“三年无改，亦谓在所当改而可以未改者耳。”

有子曰：“礼之用，和为贵。先王之道，斯为美，小大由之。①有所不行，知和而和，不以礼节之，亦不可行也。”②

①礼者，天理之节文，人事之仪则也。和者，从容不迫之意。盖礼之为体虽严，然皆出于自然之理，故其为用，必从容而不迫，乃为